

## ԸՆԴՀԱՆՈՒՐ ՊԱՅՄԱՆՆԵՐ

1.1. uFit-ը ավտոմատ կերպով երկարաձգվող բաժանորդագրային ծառայություն է, որի շրջանակում օգտվողներին տրամադրվում է էլեկտրոնային բովանդակություն՝ Android հարթակի համար նախատեսված հավելվածների միջոցով՝ օրավճարով:

1.1.1. Նման բովանդակության ներբեռնումն ու օգտագործումը անսահմանափակ է վճարող հաճախորդը կարող է ներբեռնել անսահմանափակ քանակությամբ հավելվածներ: Միակ սահմանափակումը հաճախորդի շարժական սարքի հիշողության ծավալն է:

1.2. «uFit»-ից ներբեռնված ամբողջ բովանդակությունը չի պատկանում Ucom CJSC ընկերությանը (այսուհետ՝ «Ucom») և տրամադրվում է երրորդ կողմի ծրագրավորողների կողմից: Այդ պատճառով Ucom-ը պատասխանատվություն չի կրում հավելվածների ամբողջականության, ֆունկցիոնալության, ինչպես նաև հաճախորդի կողմից տրամադրված որևէ թույլտվության համար՝ բովանդակությանը մուտք գործելու ընթացքում:

1.3. Հաճախորդը տեղեկացվում է, որ «uFit»-ից հավելվածներ ներբեռնելու և օգտագործելու համար անհրաժեշտ է շարժական սարք, որը համատեղելի է Android տեխնոլոգիայի հետ և ունի Android 2.3 կամ ավելի բարձր տարբերակ:

1.3.1. Հաճախորդը տեղեկացվում է, որ «uFit» ծառայության և դրա բովանդակության օգտագործման համար անհրաժեշտ է ինտերնետ կապ (Wi-Fi, GPRS, EDGE, 3G, 4G կամ այլ): Օֆլայն օգտագործումը սահմանափակվում է հինգ (5) հավելվածի բացումով՝ առանց կապի:

1.4. Հաճախորդը հաստատում է և համաձայնում, որ բաժանորդագրվելով ծառայությանը՝ պարտավորվում է վճարել բոլոր վճարները՝ անկախ սարքի տեխնիկական համապատասխանությունից: Սcom-ը չի վերադարձնում վճարները, եթե ծառայությունը անհասանելի է սարքի անհամատեղելիության պատճառով:

1.5. Ինտերնետ հասանելիությունն ու ծառայության օգտագործման հետ կապված բոլոր տրաֆիկի ծախսերը վճարվում են հաճախորդի կողմից՝ ըստ իր բջջային օպերատորի սակագների: Սcom-ը կարող է իր հայեցողությամբ ժամանակավորապես ազատել օգտվողին բովանդակության ներբեռնման հետ կապված տրաֆիկի վճարումից, սակայն հաճախորդը ընդունում է, որ այդ արտոնությունը կարող է ցանկացած պահի չեղարկվել:

1.6. Ծառայությանը բաժանորդագրվելու համար հաճախորդը պետք է լինի չափահաս կամ ունենա ծնողի կամ խնամակալի համապատասխան համաձայնություն:

1.6.1. Եթե ծառայությունը օգտագործվում է կամ ձեռք է բերվում անչափահասի կողմից, պատասխանատվությունը կրում է այն բաժանորդը, որի անունով գրանցված է տվյալ բջջային համարը: Ենթադրվում է, որ նա տվել է իր համաձայնությունը անչափահասին ծառայությունից օգտվելու համար: Սcom-ը պատասխանատվություն չի կրում հավելվածների ոչ պատշաճ օգտագործման կամ պատահական գնումների համար: Ծառայությունից օգտվելու համար պահանջվող շարժական սարքի պահպանման և օգտագործման ամբողջ պատասխանատվությունը կրում է օրինական ներկայացուցիչը կամ պայմանագրային կողմը:

1.7. Սcom-ը պատասխանատվություն չի կրում հաճախորդի՝ ինտերնետին միանալու անկարողության, սարքավորումների կամ ծրագրային ապահովման օգտագործման խնդիրների, ինչպես նաև երրորդ կողմի

ծառայությունների կամ հղումների հասանելիության համար: Հաճախորդը ճանաչում է, որ Ucom-ը չի երաշխավորում ծառայության համապատասխանությունը իր ակնկալիքներին:

1.8. Ucom-ը պատասխանատվություն չի կրում գովազդների, բաներների, պոպ-ափ պատուհանների կամ այլ գովազդային ձևաչափերի բովանդակության համար, որոնք ցուցադրվում են կայքերում կամ երրորդ կողմի հավելվածներում, որոնք հասանելի են ծառայության միջոցով: Նման բովանդակության պատասխանատվությունը կրում է միայն գովազդատուն:

1.9. Հաճախորդը ընդունում է, որ հաշվի առնելով ծառայության բնույթը՝ Ucom-ը չի կարող երաշխավորել անընդհատ և անսխալ աշխատանք:

1.10. Ucom-ը պատասխանատվություն չի կրում հաճախորդի կողմից կեղծ կայքեր մուտք գործելու հետևանքով առաջացած վնասների համար, որոնք նմանակում են ծառայության պաշտոնական էջերը:

1.11. Հաճախորդը ընդունում է, որ Ucom-ը որևէ հանգամանքներում պատասխանատվություն չի կրում վնասների կամ կորուստների համար, որոնք առաջացել են՝

(i) ծառայության օգտագործման կամ դրա անհնարիմության պատճառով,

(ii) անձնական տվյալների փոխանցման՝ սոցիալական ցանցերում,

(iii) չարտոնված մուտքի կամ տվյալների փոփոխության արդյունքում,

(iv) երրորդ կողմի գործողությունների հետևանքով,

(v) անխուսափելի հանգամանքների կամ հաճախորդի գործողությունների հետևանքով:

1.12. Ucom-ը չի վերադարձնում գումարները, եթե՝

- (i) հաճախորդի սարքավորումները կամ ծրագրային ապահովումը անհամատեղելի են ծառայության հետ,
- (ii) հաճախորդի սարքը չի համապատասխանում նվազագույն պահանջներին,
- (iii) սխալը առաջացել է հաճախորդի գործողության հետևանքով,
- (iv) հաճախորդը խախտել է պայմանագրի դրույթները,
- (v) հաճախորդը գործել է անբարեխիղճ կերպով,
- (vi) հաճախորդը հրաժարվել է ծառայությունից ակտիվացումից հետո:

1.13. Հաճախորդը պարտավոր է պահպանել ծառայության օգտագործման կանոնները: Բոլոր բովանդակության որակի, ճշգրտության, հուսալիության և տեղեկատվության համապատասխանության ամբողջ պատասխանատվությունը կրում է բովանդակության հեղինակային իրավատերը:

1.14. Սcom-ը պատասխանատվություն չի կրում հավելվածների կամ բովանդակության մատակարարների փոփոխման կամ հեռացման համար ծառայությունից: Հաճախորդը ընդունում է, որ նման փոփոխությունները ծառայության բնական բաղկացուցիչ մասն են:

1.15 Ծառայությունը մատուցվում է Bemobi ընկերության կողմից: